



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH, na 38. redovnoj sjednici održanoj 8. februara 2023. godine, usvaja

**ZAKON  
O IZMJENAMA I DOPUNAMA  
ZAKONA O POLICIJSKIM SLUŽBENICIMA  
BRČKO DISTRIKTA BOSNE I HERCEGOVINE**

**Član 1**

U Zakonu o policijskim službenicima Brčko distrikta Bosne i Hercegovine (Službeni glasnik Brčko distrikta Bosne i Hercegovine, broj: 18/20 – prečišćeni tekst) kroz cijeli tekst zakona riječi: „organizaciona jedinica nadležna za unutrašnju kontrolu“ u različitim padežima, zamjenjuju se riječima: „Jedinica za profesionalne standarde“ u odgovarajućim padežima.

**Član 2**

Član 31 mijenja se i glasi:

**Član 31**

**(Audio i video snimanje na javnom mjestu)**

- (1) Policijski službenik je ovlašten da vrši audio i video snimanje i fotografisanje na javnom mjestu, s ciljem sprečavanja i otkrivanja krivičnih djela i prekršaja.
- (2) O vršenju audio i video snimanja i fotografisanja iz stava 1 ovog člana Policija obavještava javnost na javnom mjestu.
- (3) Podaci o snimanju vode se u evidenciji o podacima prikupljenim audio i video snimanjem i fotografisanjem.

**Član 3**

Član 32 mijenja se i glasi:

**„Član 32**

**(Snimanje postupanja)**

S ciljem nadzora zakonitosti postupanja i primjene policijskih ovlaštenja i analize obavljanja policijskih poslova, Policija može vršiti audio i video snimanje i fotografisanje postupanja policijskih službenika.”

**Član 4**

Član 37 mijenja se i glasi:

**„Član 37**

**(Upotreba vatrenog oružja prema vozilima ili plovilima)**

- Policijski službenik ne upotrebljava vatreno oružje protiv vozila ili plovila u pokretu, osim ako:
- a) se vozilo ili plovilo koristi kao sredstvo direktnog napada za nanošenje povreda policijskim službenicima ili drugim licima;
  - b) je neophodno radi sprečavanja ozbiljnih ili smrtonosnih povreda nanesenih pucanjem iz vozila ili plovila, na policijske službenike ili druga lica.“

## Član 5

U članu 42 stav 1 mijenja se i glasi:

„(1) Policija vodi evidenciju:

- a) o licima lišenim slobode;
- b) o počinjenim krivičnim djelima i događajima, kao i licima oštećenim krivičnim djelima i događajima;
- c) podnesenih izvještaja o počinjenim krivičnim djelima i izvršiocima krivičnih djela;
- d) podnesenih zahtjeva za pokretanje prekršajnog postupka;
- e) o licima i predmetima za kojima se traga;
- f) o privremeno oduzetim predmetima;
- g) o provjeri identiteta;
- h) lica kojima je utvrđivan identitet;
- i) o operativnim izvorima informacija;
- j) kriminalističko-obavještajnih izvještaja;
- k) „krimolovac“ izvještaja;
- l) o događajima;
- m) o upotrebi sile;
- n) napada na policijske službenike;
- o) pritužbi građana;
- p) o internim postupcima;
- q) isključenih vozača iz saobraćaja;
- r) isključenih vozila iz saobraćaja;
- s) saobraćajnih nezgoda s nastradalim licima;
- t) saobraćajnih nezgoda s materijalnom štetom;
- u) napada na novinare;
- v) o krivičnim djelima počinjenim iz mržnje;
- w) o krivičnim djelima nasilja u porodici;
- x) uviđaja i ostalih forenzičkih radnji;
- y) fotodaktiloskopski obrađenih lica;
- z) daktiloskopiranih lica i leševa;
- aa) AFIS Papiilon sistema;
- bb) AFIS Morfhotrak sistema;
- cc) daktiloskopskih vještačenja;
- dd) mehanoskopskih vještačenja;
- ee) pozvanih lica i uzetih izjava;
- ff) privedenih lica;
- gg) izvršenih pretresanja;
- hh) privremeno oduzetih opojnih sredstava;
- ii) privremeno oduzetog i nadenog oružja, municije i eksplozivnih sredstava;
- jj) o licima koja koriste vanzavodske pogodnosti;
- kk) poligrafisanih lica;
- ll) pristupa u IDDEEA bazi;
- mm) korištenja sredstava za specijalne izdatke;
- nn) zahtjeva sudova i tužilaštava;

- oo) postupanja po zahtjevima drugih policijskih agencija, organa i ustanova;
- pp) zahtjeva Interpola, Europolu i drugih međunarodnih organizacija;
- qq) pristupa Centralnoj bazi podataka o strancima;
- rr) unošenja i iznošenja dokumenata ili medija iz sigurnosnog područja za zakonito presretanje telekomunikacija;
- ss) ulazaka u sigurnosno područje za zakonito presretanje telekomunikacija;
- tt) povremenih obilazaka sigurnosnog područja za zakonito presretanje telekomunikacija;
- uu) o unutrašnjem nadzoru nad provođenjem procedura zakonitog presretanja telekomunikacija;
- vv) o umnožavanju dokumenata ili medija s oznakom tajnosti u vezi sa zakonitim presretanjem telekomunikacija;
- ww) pristupa snimanja i monitoringa sadržaja zakonitog presretanja telekomunikacija;
- xx) o podacima prikupljenim audio i video snimanjem i fotografisanjem;
- yy) pristupa sistemu videonadzora Policije;
- zz) zaposlenih i personalnih dosjea zaposlenih.

### **Član 6**

U članu 44 tačka a) mijenja se i glasi:

„a) na radni odnos do ispunjavanja osnova za prestanak radnog odnosa iz člana 142 ovog zakona;”.

### **Član 7**

U članu 52 stavu 1 tačka b) mijenja se i glasi:

„b) u činu mlađeg inspektora – kao drugi nivo pristupanja za kandidate s najmanje završenim prvim ciklusom visokog obrazovanja ili VII stepenom školske spreme.“

### **Član 8**

U članu 57 stavu 2 tački a) riječi: „ shodno utvrđenom stepenu tajnosti za radno mjesto“ zamjenjuju se riječima: „u osnovnom sigurnosnom provjeravanju“.

### **Član 9**

U članu 58 stav 2 mijenja se i glasi:

„Komisija za izbor sastavljena je od tri policijska službenika s činom najmanje višeg inspektora, koje predlaže šef Policije i dva državna službenika zaposlena u organima javne uprave Brčko distrikta Bosne i Hercegovine, koji imaju VII stepen stručne spreme ili završen prvi ciklus visokog obrazovanja, 240 ECTS bodova i tri godine radnog iskustva, od kojih je najmanje jedan diplomirani pravnik.“

### **Član 10**

Mijenja se naziv Odjeljka A Glave III i glasi:

„Odjeljak A. Imenovanje i razrješenje šefa Policije, zamjenika šefa Policije i pomoćnika šefa Policije, regulisanje prava iz radnog odnosa u slučaju imenovanja policijskog službenika na mandatnu poziciju u drugi policijski organ u BiH.“

### **Član 11**

Član 68 mijenja se i glasi:

#### **„Član 68**

#### **(Uslovi za imenovanje)**

Kandidat za mjesto šefa Policije, zamjenika šefa Policije i pomoćnika šefa Policije mora ispunjavati uslove propisane Zakonom o Policiji Brčko distrikta Bosne i Hercegovine i drugim propisima.

## Član 12

Član 69 mijenja se i glasi:

### „Član 69

#### **(Procedura izbora i imenovanja, trajanje mandata i razrješenje)**

Postupak i nadležnost za izbor i imenovanje šefa Policije, zamjenika šefa Policije i pomoćnika šefa Policije, trajanje mandata i uslovi za razrješenje utvrđeni su Zakonom o Policiji Brčko distrikta Bosne i Hercegovine.“

## Član 13

U članu 84 stavu 1 tačka c) mijenja se i glasi:

„c) za unapređenje iz čina mlađeg inspektora do čina višeg inspektora – četiri godine u svakom činu za policijske službenike sa IV i VI stepenom školske spreme i dvije godine u svakom činu za policijske službenike sa VII stepenom školske spreme ili završenim prvim ciklusom visokog obrazovanja.“

## Član 14

Član 85 stav 2 mijenja se i glasi:

„(2) Lista iz stava 1 tačke a) i lista iz stava 1 tačke b) ovog člana dostavlja se šefu Policije koji odlučuje o pokretanju postupka za unapređenje.“

U stavu 5 riječi: „Prije objavljivanja slobodnih radnih mjesta iz člana 83 stava 1 tačke a) ovog zakona, komisija za unapređenje“ zamjenjuju se riječima: „Komisija za unapređenje prvo“.

## Član 15

U članu 86 stav 4 mijenja se i glasi:

„(4) Ukoliko policijski službenik koji se prijavio za posebno unapređenje ispunjava uslove za predlaganje za unapređenje, Komisija za unapređenje ne razmatra prijave ostalih policijskih službenika.“

## Član 16

U članu 87 stavu 1 broj „3“ zamjenjuje se brojem „2“.

## Član 17

U članu 111 stav 2 mijenja se i glasi:

„Posebni uslovi rada su rad:

- a) po vanrednom rasporedu;
- b) u dvokratnoj smjeni;
- c) u smjenama;
- d) u turnusu;
- e) subotom, nedjeljom, praznicima i ostalim slobodnim danima;
- f) noću;
- g) na pojedinim lokacijama.

Stav 5 mijenja se i glasi:

„(5) Za poslove iz stavova 2 i 3 ovog člana, policijski službenik ima pravo kompenzacije u slobodnim satima i pravo na dnevni i sedmični odmor na način koji utvrđuje šef Policije.“

### **Član 18**

U članu 113 stavu 1 broj „18“ zamjenjuje se brojem „20“.

U stavu 2 tački a) broj „18“ zamjenjuje se brojem „20“.

U stavu 2 tački b) broj „20“ zamjenjuje se brojem „21“.

U stavu 4 riječi: „u dva dijela“ zamjenjuju se riječima: „u više dijelova“, a riječi: „Drugi dio“ zamjenjuje riječima: „Preostali dio“.

### **Član 19**

U članu 118 stavu 1 tačka h) mijenja se i glasi:

„h) ponašanje suprotno Etičkom kodeksu za policijske i državne službenike i namještenike Policije Brčko distrikta Bosne i Hercegovine, koje narušava ugled Policije;“.

### **Član 20**

U članu 119 stav 4 mijenja se i glasi:

„(4) Interni postupak za lakšu povredu službene dužnosti mora se završiti u roku od dva mjeseca od dana prijave Jedinici za profesionalne standarde, a u složenijim slučajevima šef Policije na prijedlog rukovodioca Jedinice za profesionalne standarde interni postupak može produžiti za jedan mjesec.“

U stavu 5 riječ: „dva“ zamjenjuje se riječju: „tri“.

### **Član 21**

U članu 120 stav 1 mijenja se i glasi:

„(1) Disciplinsku sankciju za lakšu povredu službene dužnosti izriče šef Policije nakon provedenog internog postupka od Jedinice za profesionalne standarde ili Disciplinska komisija ako se nakon provedenog disciplinskog postupka utvrdi da se radi o lakšoj, a ne težoj povredi službene dužnosti.“

### **Član 22**

U članu 121 stavu 6 broj: „119“ zamjenjuje se brojem: „116“.

### **Član 23**

U članu 122 stav 4 mijenja se i glasi:

„(4) Disciplinska komisija donosi odluku o disciplinskoj odgovornosti u roku od 180 dana od dana prijema zahtjeva za pokretanje disciplinskog postupka.“

### **Član 24**

U članu 128 stavu 1 riječ: „pet“ zamjenjuje se riječju: „tri“.

### **Član 25**

U članu 129 stavu 2 riječi: „proteklih pet godina“ zamjenjuju se riječima: „protekle tri godine“.

### **Član 26**

U članu 130 stavovi 1 i 2 mijenjaju se i glase:

„(1) Interni postupak za lakšu povredu službene dužnosti i donošenje odluke šefa Policije moraju biti okončani u roku od 120 dana od dana prijave povrede Jedinici za profesionalne standarde, s tim što šef Policije u roku od 30 dana od okončanja internog postupka donosi odluku o odgovornosti i sankciji.“

(2) Za težu povredu službene dužnosti interni postupak i prvostepeni disciplinski postupak moraju biti okončani u roku od 13 mjeseci od dana prijave povrede Jedinici za profesionalne standarde.“

### **Član 27**

U članu 131 stav 1 mijenja se i glasi:

„(1) Pokretanje i vođenje postupka zbog lakše povrede službene dužnosti zastarijeva u roku od šest mjeseci od dana saznanja za izvršenu povredu službene dužnosti, a najduže u roku od godinu dana od dana izvršenja povrede, osim u slučaju kada Disciplinska komisija nakon provedenog disciplinskog postupka utvrdi da je policijski službenik počinio lakšu povredu službene dužnosti.“

Stav 2 mijenja se i glasi:

„(2) Pokretanje i vođenje postupka zbog teže povrede službene dužnosti, kao i kada Disciplinska komisija utvrdi da se radi o lakšoj povredi službene dužnosti, zastarijeva u roku od godinu dana od dana saznanja za izvršenu povredu, a najduže u roku od dvije godine od dana izvršenja povrede.“

Iza stava 5 dodaje se novi stav 6 koji glasi:

„(6) Pokretanje i vođenje postupka za težu povredu službene dužnosti koja ima obilježja korupcije, zastarijeva u roku od četiri godine od dana izvršenja povrede.“

### **Član 28**

U članu 138 stavovi 1 i 2 mijenjaju se i glase:

„(1) Policijski službenik tokom suspenzije iz Policije ima pravo na naknadu plate u iznosu od 70% od svoje osnovne plate ostvarene u mjesecu koji je prethodio suspenziji, uvećanu za puni iznos dodatka na osnovnu platu po osnovu radnog staža.

(2) Policijski službenik tokom suspenzije iz Policije, u posebnim slučajevima kada ima porodicu koju izdržava ima pravo na naknadu plate u iznosu od 85% od svoje osnovne plate ostvarene u mjesecu koji je prethodio suspenziji, uvećanu za puni iznos dodatka na osnovnu platu po osnovu radnog staža.“

### **Član 29**

U članu 142 stavu 1 tačka e) mijenja se i glasi:

„e) kada navršši 40 godina penzijskog staža, bez obzira na godine života ili 65 godina života i najmanje 15 godina staža osiguranja, s tim da se poseban staž u dvostrukom trajanju, kao i period od 18. 9. 1991. godine do 19. 6. 1996. godine s efektivnim trajanjem, računa samo na zahtjev i uz pisanu saglasnost policijskog službenika;“.

### **Član 30**

#### **(Stupanje na snagu)**

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-527/23

Brčko, 8. 2. 2023. godine

PREDSJEDNIK  
SKUPŠTINE BRČKO DISTRIKTA BiH  
**Mr. sci. Siniša Milić**